



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat De Sacramentis, & Censuris

Viva, Domenico

Patavii, 1723

Art. I. Quid, & Quotuplex sit Irregularitas?

urn:nbn:de:hbz:466:1-40650

ter constare de contumacia ejus, pro quo fertur cessatione; quamvis non teneatur Prælatus monere partem per instrumentum publico sigillo munatum.

Notandum secundo, quod qui sine sufficienti causa cessationem indicit, privetur omnibus fructibus, quos tempore cessationis deberet percipere, & teneatur satisfacere parti læse. Quod si juste indicitur, pars, contra quam fertur cessatione, tenetur cestantibus satisfacere de damno, quod interim subeunt, cum non possint consueta officia peragere.

V. Quæritur demum; Quinam possit indicere, aut tollere cessationem a Divinis?

Respondeo, is, qui potest ferre Interdictum; atque adeo is, qui Episcopalem, aut similem Episcopali jurisdictionem habet in foro externo, potest indicere cessationem, ut com-

muniter docent apud Suar. disp. 39. sect. 3.: Aliquando tamen cessationem præcedit censura interdicti, ut prohibitio sit arctior; Aliquando vero imponitur pura cessatione sine interdicto.

Præterea cessationem tollere potest, qui illam tulit, aut Superior, aut Successor, ne Tribunalia turbentur; nam cessatione solum ab homine, & non a jure fertur. Tolli autem potest sive simpliciter, sive ad tempus pro beneplacito. Solus Papa potest illam quoad aliquos tantum effectus suspendere; quia effectus cessationis sunt a jure communi inseparabiliter connexi inter se, sicut effectus excommunicationis. Per legitimam appellationem suspenditur cessatione, antequam executioni mandetur, cum per appellationem impediatur jurisdictionis imponentis: Post executionem vero nonnisi relaxatione tollitur, ut diximus de censuris in genere.

Q U Æ S T I O N E VIII.

De Irregularitate.

Quamvis Irregularitas non sit censura, de ea tamen communiter Doctores disputant post censuras, quibus valde affinis est; cum pariter sit affectus clavium, seu Ecclesiastice potentatis. Quæremus itaque primo, Quid, & Quotuplex sit? Secundo, Quam ob causam incurritur? Tertio, Quinam possit Irregularitatem imponere? Et erga quos? Quarto, an dubium excusat ab Irregularitate? Quinto, quomodo tollatur? In postrema vero quæstione descendendo ad Irregularitates in particulari, agemus de Irregularitatibus tum ex delicto, tum ex defectu.

ARTICULUS I.

Quid, & Quotuplex sit Irregularitas?

I. Irregularitas est moralis inhabilitas personæ ad Ordines recipiendos, & exercendos.

II. In quo differat a censuris, & a Depositione, ac Degradatione.

III. Nonnisi duo sunt effectus Irregularitatis; Videlice Ordinum susceptionem, & Usum impedire.

IV. Irregularis illicite quidem sacramentaliter absolvit, sed non invalida, si bona fide ad illum pœnitentes accedunt.

V. Beneficiarius irregularis ad quid tenetur? Illicita, & irritanda potius est, quam irrita Beneficii col-

la-

- Iatio facta Irregulari.*
VI. *Probabiliter Irregularitas non impedit susceptionem prime Tonsura.*
VII. *Recensentur tam Irregularitates ex delicto, quam ex defectu.*
VIII. *Irregularitas alia est Totalis, alia Partialis.*

I. *Ueritut primo; Quid veniat nomine Irregularitatis?*

Respondeo cum communi apud Laym., & alios, Irregularitatem esse *Impedimentum canonicum ex aliqua indecentia proveniens*, per se primo impediens Ecclesiasticorum Ordinum susceptionem, & secundario eorundem usum ob reverentiam Divinorum. Explicatur per partes. Dicitur primo esse *Impedimentum canonicum*, ut ostendatur, Irregularitatē non esse inductam jure Divino, aut naturali, sed jure Canonico, quod est conforme juri naturali. Ratio enim naturalis dicit, non esse admittendos ad Ordines Sacros, nisi qui decenter accedant, & ideo ius Canonicum irregularares declarat, qui indecenter accederent: Quia vero feminæ, sicut etiam homines nondum baptizati excluduntur ab Ordinibus jure Divino, ideo non dicuntur irregularares.

Dicitur secundo, *Proveniens ex aliqua indecentia*; hæc autem vel est culpabilis, ut quando quis fit irregularis ex delicto; Vel inculpabilis; ut quando fit irregularis ex defectu aliquo corporis, aut animi; sicut est notabiliter deformis, amens, &c. Illa irregularitas dici solet pœnalis; ista vero mixta.

II. Dicitur tertio, *Impediens per se primo, seu directe Ordinum susceptionem*; Et in hoc Irregularitas disconvenit a censuris; nam excommunicatio major impedit quidem Ordinum susceptionem, & eorundem usum, sed impedit hæc, quatenus sunt quædam communicatio cum fidelibus;

unde excommunicatio major directe prohibet communicationem cum fidelibus, & indirecte impedit Ordinum susceptionem: Excommunicatio minor non impedit usum Ordinum, sed solum passivam eorum, ac reliquorum Sacramentorum participationem: Suspensio (sicut etiam Depositione, & Degradatio) privat tantum directe usu Ordinum susceptorum, unde solis Clericis competit; Irregularitas vero cum directe impedit Ordinum susceptionem, competit etiam laicis. Interdictum demum impedit etiam Divinorum officiorum auditio-
nem, Ecclesiasticam sepulturam, & certa quedam alia Sacra-
menta, que non impedit Irregularitas. Differt præterea Irregularitas a Censuris, quia Censura (quæ est sape ab homine) est pena medicinalis, & habet pro fine emendationem; & resipiscientiam delinquentis: Irregularitas vero (quæ semper est a jure) non semper est pena, sed solum est moralis inhabilitas personæ ad Ecclesiasticos Ordines; Et quando provenit ex delicto, habet rationem pena vindicativæ, non medicinalis; habetque pro fine reverentiam Divinorum. Differt demum Irregularitas a Depositione, & Degradatione, quod illa tantum non admittat laicos ad statum Clericalem; ista vero hominem a tali statu ejiciant.

Dicitur quarto, quod *Secundario impedit exercitium Ordinum susceptorum*; non enim semper impedit tale exercitium, sed solum quando indecenter exerceantur Ordines: Quare si Diacono amputetur pollex, ita fit irregularis, ut non possit ad Sacerdotium ascendere, possit tamen canendo Euangelium exercere Ordinem Diaconiatus; ut notat Bonac. Con., & alii.

Dicitur demum, *Ob reverentiam Divinorum*; ut ostendatur causa finalis.

lis Irregularitatis ; Sed brevius defini-
niri potest Irregularitas , quod sit
Moralis inhabilitas personae ad Ordines
suscipiendos, & exercendos.

III. Sequitur ex dictis , duos tan-
tum esse effectus Irregularitatis , vi-
delicet impedire susceptionem , & u-
sum Ordinum . Unde fit primo , pos-
se Clericos irregulares ea munera obi-
re , quæ potest laicus ; videlicet in
Ecclesia canere , missæ ministrare ,
Sacra menta suscipere , Ordine exce-
pto , ad quem inhabilis est , sed non
incapax ; unde illicite , non tamen
invalidè confertur Ordinis Sacramen-
tum irregulare.

IV. Fit secundo , Clericos irregu-
lares posse valide exercere omnes a-
ctus jurisdictionis Ecclesiastice , quam-
vis non licite illos , qui actus Ordini-
nis requirunt , ut sunt absolutio a pec-
catis , realis degradatio , &c. Proinde
docent communiter Doctores cum
Con. dub. 1. , Laym. cap. 1. contra
Navar. , & Avil. dub. 6. , quod etiam
irregularis denunciatus (necnon sus-
pensus ab Ordine non denunciatus
nominativi . & interdictus personaliter)
valide , quamvis illicite , sacra-
mentaliter absolvant accedentes bona
fide , cum non careant jurisdictione ,
sicut caret excommunicatus denuncia-
tus : Immo suspensus a solo benefi-
cio etiam licite sacramentaliter absol-
vit , cum non privatetur usu Ordinis.

V. Fit tertio , Irregularitatem non
privare Clericum ipso jure fructibus ,
& administratione beneficii , dummodo
officium saltem per Vicarium ex-
erceat , ut docent Suar. , Laym. , A-
vil. ; Qui tamen notant , quod si be-
neficium requirat officium , cui irre-
gularis per seipsum satisfacere non
possit , debeat beneficio privari , juxta
cap. *Ex literis , de Excepion. Prala-
tor.* Immo sponte illud debeat resignare ,
si dispensatio brevi tempore im-
petranda non sit.

Dubium est ; Utrum collatio bene-
ficii facta irregulari sit ipso jure irri-
ta ; unde provisus teneatur in con-
scientia illud resignare ?

Affirmant Henr. Bonac. , & Avil.
dub. 6. cum communiori ; quia ex cap.
ultim. *de Rescriptis in 6.* beneficium
datur propter officium ; ergo inhabili-
lis ad officium est pariter inhabilis ad
beneficium acquitendum , ex cap. ultim.
*de Clerico excommunicato mini-
strante.* Verum Suar. disp. 40. sect. 2. ,
& Laym. docent , talem collationem
illicitam esse , & irritandam , non ve-
ro irritam : etenim beneficii collatio
non debet conferri irrita sine ullo jure
expreso ; in calu autem nostro nullum
ius expressum adducitur . Quibus ade-
de , aliquod beneficium requirere of-
ficium , cui ipse irregularis satisfacere
potest , puta si officium requirat tan-
tum preces Canonicas : Quod si non
possit irregularis per se satisfacere ,
fatis est , si satisfaciat per Vicarium.

VI. Majus dubium est ; An Irregu-
laritas , quæ impedit Ordinum suscep-
tionem , impedit etiam suscep-
tionem primæ Tonsuræ ?

Communior sententia cum Bonac. ,
Suar. , Avil. affirmat ; quia quamvis
prima Tonsura non sit Ordo , sed di-
positio ad Ordines , tamen in jure
Canonico venit nomine Ordinis , *Argu-
mento cap. Cum contingat , de atate ,
& qualitate , &c.* Verum P. Aloysius
Bariola apud Bonac. negat ; quia cum
juxta communiorum Theologorum sen-
tentiam prima Tonsura non sit Ordo ,
Irregularitas non impedit susceptionem
prima Tonsuræ ; sicut nec impedit in-
gressum in religionem : In odiosis e-
nim non est facienda extensio de u-
no casu ad alium , ex cap. *Pœna , de
Panit. dif. 1.*

Rogabis ; An irregularis suscipien-
do , vel exercendo Ordines aliam ir-
regularitatem , aut pœnam incurrat ?
Respondeo negative ; quamvis mor-
tali-

taliter peccet; nulla enim pœna injure imponitur pro tali delicto.

VII. Quæritur secundo; Quotuplex sit Irregularitas?

Respondeo, esse duplicis generis, Alteram ex indecentia morali, seu ex delicto, aut facto, puta ex homicidio; Alteram ex indecentia physica, seu ex defectu inculpabili.

Irregularitates ex delicto istæ enumerauntur apud Busemb. Prima ex iteratione Baptismatis; estque irregularis tam rebaptizans, quam rebaptizatus. Secunda ex violatione censuræ, si scilicet censura innodatus actum aliquem Ordinis Sacri solemniter exerceat. Tertia si Clericus actum Ordinis Sacri, quem non habet, solemniter exerceat. Quarta propter indebitam suscepctionem Ordinum; ut si quis suscipiat Ordines in excommunicatione, aut suspensione, aut ab Episcopo non habente jurisdictionem, aut per salutem, aut ante legitimam ætatem, aut sine dimissoriis, aut furtive, idest Episcopo nesciente, non approbante, nec examinante; Quamvis multi apud Bonac. quæst. 3. punct. 4., & Avil. putent, quod fere in his omnibus casibus suspensio potius, quam irregularitas incurritur. Quinta ob enormia crimina, quæ a jure habent annexam infamiam, si sint notoria, & publica, ut sunt Infidelitas, heres, adulterium, raptus, incestus, perjurium in judicio. Ultima quæ oritur ex injusta mutilatione, vel homicidio, etiam indirecte tantum voluntario, quæ extendit ad consulentes, & mandantes; Et quamvis Dian. part. 4. tract. 2. resol. 28. putet, solum consulentes homicidium incurtere in irregularitatem, non autem consulentes mutilationem, cum hoc non habeatur in jure: communis tamen sententia est in contrarium, ut notat Molin. apud eundem Dian.

Irregularitates vero ex defectu sunt

octo. Prima ex defectu animi; unde sunt irregulares Amentes, Phrenetici, Epileptici, Illiterati, seu non habentes necessariam doctrinam pro Ordinibus, Neophyti, seu recenter ad fidem conversi, donec iudicio Episcopi sint sufficienter instructi.

Secunda ex defectu corporis; Quare irregulares sunt cæci, surdi, claudi, carentes pollice, aut indice, vel oculo sinistro, seu canonico. Item maxime deformes, ut si quis careat auribus, naso, si notabiliter sit gibbosus, paralyticus, leprosus, gigas, pigmæus, ethiops inter alienos, ubi disparitas est ludibrio, hermaphroditus; non tamen ille, qui per vim, aut infirmitatem factus est eunuchus.

Tertia ex defectu natalium: Illegitimi enim reputantur viles; & ideo sunt irregulares, donec legitimantur, vel per professionem religiosam, vel per subsequens matrimonium inter parentes, dummodo tempore conceptionis potuerint valide contrahere; Vel demum per dispensationem Pontificiam; Etenim Principes seculares possunt tantum legitimare in ordine ad officia secularia, & hæreditates.

Quarta ex defectu ætatis, si scilicet ante legitimam ætatem quis ordinetur.

Quinta ex defectu Sacramenti, seu significationis matrimonii, hoc est ratione bigamiz. Bigamus enim cum carnem suam in plures diviserit, non apte representat unionem Christianum Ecclesie. Est autem bigamus, tum qui secundum matrimonium saltem presumptum contraxit, & consummavit; tum qui viduam duxit, & cognovit; tum etiam qui uxorem prius ab alio per fornicationem cognitam duxit, & cognovit; necnon qui propriam uxorem cognoscit post ejus adulterium: ac demum qui post solemne votum castitatis matrimonium (licet invalide) contrahit, & consummat; nam interpretatione juris censetur duo matrimonij.